



FAFANA



Volana Jolay 2023 - Laharana 237 - Vidiny 1 000 Ariary

“...Soraty ny fahitana, ka ataovy velona tsara ny soratra eo amin’ny Fàfana, ...” Habakoka 2²

GAZETY AVOAKAN’NY FJKM ANKADIFOTSY ISAM-BOLANA

Fitokanana ny FJKM Berenty

**Ny trano fiangonana no efa vita,
ny fanohizana ny asa fitoriana filazantsara
dia mitohy hatrany ➤ 4 ➤ 5**



FINARITRA !



Ry havana malala,
Arahabaina tojo ny volana Jolay, hibantsika lohahevitra vaovao indray dia ny hoe “**Hevero ny fifidianan’ny Tompo**”. Lo-hahevitra tsy azo hamaivinana izany fa tena fitaomana antsika handinika sy hihevitra ary heriteritrira tsara, ka handinin-tena fatratra eo anoloan’ny **fifidianan’ny Tompo** antsika eo amin’ny fanompoana. Ny fifidianan’Andriamanitra dia tena mariky ny fiarahamiasa amin’ny olona. Andriamanitra tsy tia miasa irery fa sitrany ny fiaraha-miasa amintsika olony. Tena marim-pitavina ny fifidianany. Matoa fidiny isika dia satria tenatiany ka nokarohany, notadiaviny, ary nosahiraniny manokana (Marka 3:13). Ny **fifidianan’ny Tompo** dia mikendry famonjena ho an’izay irahiny nefä ihany koa ho an’izay anirahiny ny olom-boafidiny. Tsy tokony hadinoina anefa fa mifamatotra tsy afa-misarakana ny fifidianana (élection) sy ny fanekena (alliance) ary ny iraka (mission).

“Hevero ny fifidianan’ny Tompo”

Ny fifidianana dia tsy miankina ny amin’izay maha izy azy ny olona fa tena araka ny fahasoavan’Andriamanitra, izay no mampihaiky ny olona ny fahalemeny sy ny tsy fahatanterahany rehefa iantefan’ny safidin’Andriamanitra. Tahaka an’i Mosesy nilabolana hoe : “*Iza mod aho no hankany amin’ny Farao sy hitondra ny zanak Israely hivoaka avy any Egypta ?*” Eks 3:11. Toy izany koa i Jeremia raha niantefan’ny safidin’Andriamanitra ka hoy izy : “*Indrisy Jehovah Tompo ô! Indro tsy mahay mandahan-teny aho fa mbola zaza.*” Jer 1:6. Ny an’i Paoly Apostoly moa dia nambarany, fa izy izay toy ny tsy tonga volana, Izaho izay ambany indrindra amin’ny Apostoly rehetra, tsy mendrika atao hoe Apostoly akory fa ny fahasoavan’Andriamanitra no naha toy izao azy (IKor 15:8-10). Na eo aza ny fahalementsika dia Izy Tompo no manohana, manampy, momba ary mampita eo amin’izay ho enti-manatanteraka ny asa.

Ary ny fanekena ataon’Andriamanitra dia miaraka amin’ny fampantanenana. Misy andraikitra eo amin’ny andaniny sy ankilany. Tena tompon’andraikitra amin’ny fanekena ifanaovana ny asan’ny Tompo isika olom-boafidy. Tsy azo ivadihana ny fanekena. Ary matoa nify Andriamanitra dia misy Iraka na asa ampanaoviny (mission). Ka hitaomana antsika hihevitra sy hisaina ary handinin-tena fatratra manoloana ny **fifidianan’ny Tompo** fa tsy antsika fa asan’Andriamanitra no atao.

Anisan’ny mampieriteritra ihany koa eo

amin’ny **fifidianan’ny Tompo** antsika dia mampiakatra lenta eo amin’izay maha izy azy antsika koa ny fifidianany. Any amin’ny testamenta taloha dia ahatsapana ny maha mpanompo ny fifidianany dia ilay atao Mpanompon’i Jehovah. Anarana iantsoana ny Mesia izany. Mpanompo fidin’Andriamanitra mba hamonjy ny olony sady ho fanehoana ny voninahiny. Io Mpanompon’i Jehovah io dia sisy maintsy mandeha amin’ny fahatsiana sy ny fahatahorana an’Andriamanitra.

Atsy amin’ny testamenta vaovao dia tsy mijanona ho mpanompo fotsiny izay nofidi’Andriamanitra fa mihitatra fifandraisana ho tonga sakaizan’ny Tompo, fa hoy Jesoa : “*Tsy hataoko hoe mpanompo intsony hianareo fa ataoko hoe sakaiza*” Jao 15:15. Ary mbola nihitatra kokoa arakaraka amin’ny fifandraisana amin’ny Tompo ka tonga zanaka mpiray lova amin’i Kristy (Rom 8:17). Izay no maha sarobidy ny fifidianan’Andriamanitra antsika ka itakian’ny Tompo toetra ny maha mendrika sy maha mpanompo, sy maha sakaiza, ary maha zanaka antsika ka ny itovazany dia ny fankatoavana sy ny fandejanana amin’ny fahamarinana ary tena fitiavana. Dia ny fitiavan’Andriamanitra nify sy ny olona anirahan’Andriamanitra antsika.

Hevero ary, ary saino sy heritrerito mandrakariva ao anatin’ny fandinhan-tena Lalina ny **fifidianan’ny Tompo** antsika dia ho tsapantsika ny hasarobidin’ny fitiavan’Andriamanitra antsika.

Ny Mpitandrina Ravaloson

FIAINAM-PIANGONANA ➤ 3

Sampana Vokovoko Manga FJKM Ankadifotsy

Famelabelaran-kevitra momba ny zavamahadomelina



FIAINAM-PIANGONANA ➤ 6

Faha 55 taonan’ny FJKM Hisy ny fanompoam-pivavahana isa-pitandremana



FIAINAM-PIANGONANA ➤ 6

SaFif SPIA Fivoriam-be voalohany



Herinandron'ny Fanahy Masina Andriamanitra miasa ny Fanahy Masina

Lohahevitra maromaro no nampianarina nandritra ny Herinandron'ny Fanahy masina teto amintsika nanomboka ny 22 ka hatramin'ny 26 Mey lasa teo.

Nutaneraha ny 22 hatramin'ny 26 Mey lasa teo ny Herinandron'ny Fanahy Masina, izay nandinihina ny lohahevitra hoe : "Andriamanitra miasa ny Fanahy Masina".

- Ny 22 Mey dia Ramatoa Raoeliarino Louise, Mpitantrina FJKM Ambodivona no nitondra ny fampianarana, ka ny "Asan'ny Fanahy Masina" no lohahevitra nentiny tamin'izany ka tao amin'ny Matio 4 : 1 - 11 no niaingany sy nilazany fa mitarika ny olona amin'ny finoana ny fahatokiana an'Andriamanitra. Tsy toerana mahafinaritra na mahatehotia foana no itondran'Andriamanitra antsika, fa mety ho misy zavatra hafa koa Koa na eo aza izany, dia tokony hanaiky ny fitarihan'ny Fanahy Masina foana isika, tsy mierikerika, tsy maneho fanahiana satria ny Fanahy Masina dia mampahery, mijoro eo akaiky, mampianatra, manantra. Ny Fanahy Masina no metraka ny teny eo am-bavantsika ka mampiteny. Noho izany, meteza hanaiky hotarihan'ny Fanahy Masina. Asan'ny Fanahy Masina no mampandresy eo amin'ny fianan'ny mino. Ny devoly dia maka fanahy antsika toy ny aretina, ny zava-tsarotra sns... Ka rehefa miasa ao aminao ny Fanahy Masina, dia i Jesoa Kristy no Fanazavana. Andriamanitra miasa amin'ny fotoana ka mitardalana sy mampijoro.

- Ny 23 Mey dia Andriamatoa Rakotonavalona Maholy, Mpitantrina FJKM Ambohitantely no nitondra ny fampianarana



Ny mpitandrina Iarko Andriamahazosoa Ammi nitondra ny fampianarana teto amintsika.

ka ny lohahevitra nentiny dia : "Inona no atao hoe batisan'ny Fanahy Masina" nalaina tao amin'ny Lioka 3:15-18. Ny batista dia midika hoe atsoboka ao anaty rano, ampandalovina ao anaty rano. Tsy mbola nisy ny batista, tao amin'ny Testamenta taloha, fa famorana no nisy, teny fampantanenana, fifanaranan'i Abrahama sy Andriamanitra izany hoe sonia ilay fanekena ny famorana. Andriamanitra dia nity tamin'ny taranak'i Abrahama hanova ny fomba dia ny famorana ny fo izay mitaona ny olona hiverina amin'Andriamanitra, "fanolor-tena feno no ilain'Andriamanitra ka mibeha ianareo", hoy i Jaona.

Ny batista i Jaona natao ho an'ny taranak'i Abrahama, five-renana amin'ny fifanekena natao tamin'ny Abrahama tao amin'ny Testamenta taloha, ka nifarana teo amin'ny Jaona. Ny ota ao anaty dia fandraisana ny fahaf-

tesan'ny Tompo. Ka, rehefa nadray ny Tompo, dia lasa manana fiainana vaovao, tonga olombao, mahay manavaka ny ratsy sy ny tsara. Ny batisan'ny Fanahy Masina izany dia i Jesoa no nanao azy : fahasoavana, fahatsiarovana ny nanomezan'i Jesoa Kristy ny Fanahy Masina. Ny fanataneraha ny batista hita maso dia fandraisana ny Fanahy Masina ka mahatonga anao ho zanak'Andriamanitra. Mahazo fahazavan-tsaina, mamony amin'ny fahalemena. Andriamanitra mahafantatra ny tianao ho tenenina.

- Ny 24 Mey dia Dr Andriamahazosoa Ammi Mpitantrina sady filohan'ny FJKM no nitondra ny fampianarana ka ny Marka 20:20-30 "Fitenenan-dratsy ny Fanahy Masina" no nisintonany ny fampianarana. Ny olona miteny ratsy ny Fanahy Masina, minia mandà hatrany ny asan'ny Fanahy Masina, dia tsy hazazo fa-

hazavana. Adala ianao raha ny zavatra atao'ny olona no tsy hahafanana mahazo ny mandrakizay. Aza manamarina ny fihemoranao, fa mahaiza mibebaka. Fa nahoana no tsy mahazo famelan-keloka ? Ny ota amin'ny Fanahy Masina dia fandavana tanteraka ny Fanahy Masina, tsy vonona handray famelan-keloka ianao araka izany.

- Ny 25 Mey dia Andriamatoa Ravaloson Mpitantrina no nanao ny fampianarana ka nilazany fa manana ny Fanahy mpananatra isika ka tsy mahatsiara ho kamboty, satria ny Fanahy Masina dia eo mandrakirava, mpanolotsaina ny fanahin'Andriamanitra, afaka mijoro hatrany. Koa mahaiza miaina amin'ny maha mpanompon'Andriamanitra afaka mandray ny Fanahy Masina. Noho izany, dia mila mitoetra mahatoky an'Andriamanitra ary mandeha araka ny sitrapony isika.

Tokony ho hita taratra eo amin'ny fainantsika ny fananana ny Fanahin'ny fahamarinana, izay maneho ny fahatsaran'Andriamanitra. Ny olom-boantsio dia manana ny fitiavana, miaina ao anatin'ny fiombonana.

Ka noho izany ary, dia meteza hatsiara fa sarobidy eo amin'Andriamanitra isika ary ny Fanahy Masina no mampiombona antsika ao amin'ny Tompo.

Ny 26 Mey dia nisy ny antisam-piderana nifarimbonan'ny Mpihiran'ny Farimbona (NMPF) Ankadifotsy sy ny AMMA FJKM Analamahitsy.

Nanangona Malala Soa

Fikambanan'ny mpitendry zavamaneno Tafatsangana ny birao eto Ankadifotsy

Tafatsangana eto amin'ny FJKM Ankadifotsy ny Fikambanan'ny mpitendry zavamaneno (FIMPIZ) efa nisy mpandrindra ihany teo aloha, fa izao vao tena tafatsangana ny rafitra ofisialy. Tolo-kevitra avy any amin'ny foibe ny fananganana ny fikambanan isam-pitandremana.

Raha araka ny fanazavan'ny filohan'ny fikambana, Ratsimba Vahatra Rantoanina, dia tanjona amin'ny fananganana ny FIMPIZ ny hampirindra ny fotoan-pivavaha, fihirana sy ny fitendrena araka ny solfa, ny fitendrena amin'ny fotoana rehetra ato am-pianganana toy ny fahoriania, mariazy ary fotoan-dehibe, ary fitiliana ireo ankizy manana talenta amin'ny zavamaneno mba hoentina midera ny Tompo.



Ireo mpikambana ao amin'ny biraon'ny FIMPIZ.

Fetin'ny ray sy fetin'ny reny Nomarihana teto amintsika

Ny alahady 4 Jona no nankalazana ny fetin'ny Reny, ary ny 18 Jona ny fetin'ny Ray. Namarika izany isika teto amin'ny fitandremana. Nisy ny fandraisam-pitenenana nataon'ny filoha sy ny filoha lefiry ny Sekoly Alahady, narahaha teny firariantsoa nataon'ny biraom-pianganana, nentina niarababana ireo Ray sy Reny rehetra, ary naneho izany tamin'ny marika hita maso ireo solotenan-tsampa, sampan'asa, fikambana rehetra eto amin'ny fitandremana.

"Aoka ho faly ny rainao sy ny reninao, eny aoka ho ravaravo ny reninao izay niteraka anao." Oha 23: 25

Malala Andriniaina



Ramatoa Ravaloson Sarindra nandray fitenenana.

TSY HARITRA

Voninkazo karandoha

Ity voninkazo fantatra amin'ny anarana hoe « voninkazo karandoha » ity, dia manana anarana siantifika Misopates orontium, ka « mufler des champs » no tena anarany ary any amin'ny ala norvezianina, izay tany mangatsiaka, no nati-tana azy voalohany. Ao anatin'ny fianakavany ny Scrophulariacées Antirrhinum Majus no nanasokajany'ny mpikaroka azy ary mirefy 30 hatramin'ny 60 sm ny halavany rehefa mivelatra. Tafiditra ao anatin'ny karazana voninkazo Anthurium izy, araka izany. Amin'ny vanimpotoana mafana any antoerana (été) no mamelela ity voninkazo ity, ary manome voany miendrika karandohan'olona maty. Rehefa mandon'ny rano izy io, dia mikatona ny masonry sy ny vavany, ary misokatra indray rehefa maina. Mampiaiky ny olona any an-toerana izy io, ary mampitahotra kosa ho an'ny ankizy madinika ! Santionany amin'ny karazam-bo-ninkazo mahavarana ihany izy ity.



FJKM Manjaka Avaradrano -FJKM Ankadikely Ilafy 153 ireo nahavita fiofanana famakiana Soratra Masina



Ireo mpiofana tao Manjakavaradrano.

Nanomboka ny sabotsy 10 Jona 2023 ary nifarana ny sabotsy 24 Jona 2023 ny fampiofanana famakiana Soratra Masina ho an'ny FJKM Ankadikely Ilafy. Miisa 133 ireo mpiofana izay nahitana ireo solotenan-tsampa toy ny STK, SA, FDL, Dorkasy, Sampati, SLK, SAFIF, ny zanaky ny Fihohazana, ny Antoko mphiha Ny Afaka, ny mpandray, AFF.

Navitrika ny mpiofana satria marobe hatrany izy ireo ary mazoto ireo mpandray anjara amin'ny asam-bondrona. Liana tamin'ny fampiofanana, ary resy lahatra hanome aina ireo vakiteny amin'ny karazana la-hatsoratra toy ny toriteny, tantara, tononkira. Vonona hiroso amin'ny fananganana rafitra izy

ireo, araka ny nambaran'ny mpitantrina. Ho an'ny FJKM Manjaka Avaradrano dia vita ny 27 Mey

2023 teo ny fampiofanana amin'ny vakiteny marina, mazava, miaina. Somary nananoso-rotra ny fampitana noho ireo

Rojo Ramaro

Sampana Vokovoko Manga FJKM Ankadifotsy Nanao famelabelaran-kevitra momba ny zavamahadomelina

Nisy ny Herinandro manga nokarakarain'ny Sampana Vokovoko manga teto amin'ny fitandremana izay nanaovany famelabelaran-kevitra mahakasika ny zava-mahadomelina.

Ny alatsinainy 19 Jona dia nahitana ny lohahevitra hoe : "Ny fiatehan'ny ankohonana ny zava-mahadomelina" izay nahatatr' Andriamato Rakotomanana Herintsoa Tahiry Mpitandrina. Ny ankohonana dia fianakaviana masina izay manao ny sitrapon' Andriamanitra samy manana ny andraiktry ny tsirairay. Araka izany ny Ray sy reny tokony mitaiza sy mikolokolo ny fara mandimby ary mampianatra ny sitrapon' Andriamanitra. Ny zanaka kosa tokony manaja sy mankatô ny Ray aman-dreny.

Izay zavatra raisin'ny olona ka manova ny jery sy ny fomba fijery ary miteraka fiankinandoha sy manapotika ny olona no atao hoe zava-mahadomelina. Misy karazany izy io ka ao ny hohanina, hatsindrona sy sotroina ary fofonina. Ny hateraky ny fandraisana ny zava-mahadomelina dia fahapotehina ara-batana, aratsaina ary ara-panahy. Manapotika ny fahamasinan'ny tenanana ny fandraisana izany. Ankoatra izay dia tsy mandova ny fanjak'an' Andriamanitra satria mahazo satana tsy fidiny. Ho fisorohana dia samia mahatsiaro ny andraiktry dia voasoroka ho azy ny fidiran'ny zava-mahadomelina. Matetika maha sarotra ny fialana aminy ny tsy fahavit'ny Ray aman-dreny ny andraiktry dia ka rava ny ankohonana. Lasa miteraka korontana ka tapaka ho azy ny fifandraisana eo amin'ny ankohonana. Noho izany dia mila ny herin'ny vavaka hahatantehina izany. Mila manana finoana ary manao vavaka sy fiftandikananina. Mahay manafaka Andriamanitra fa mila manaiky hovonjena izay efa tafaltsaka ao.

Ny talata 20 Jona ny lohahevitra dia : "Ny ankizy sy ny tanora sy ny zava-mahadomelina ary ny fitoriana aminy" nahatatr' Andriamatoa Rafalimanana Camille. Ny fahazarandratsy dia mitarika amin'ny fiankinandoha fa ianao no mila afaka izay vao afaka manafaka ny hafa. Aza manaiky ho voafatotry ny fahazarandratsy, izay rehetra manandovo anao no « drogue » toy ny téléphone, jeux, facebook... Ny olona voafatotra dia tsy mahay mamestraka ny zavatra amin'ny fotoana fa kosa ny olona afaka dia mahay manisy fetra. Betsaka no mirehareha dia milaza fa izay no fainana kanefa ireny no manome ratra anaty. Lasa misy ny "problème d'identité, de valeur, problème familial" izay lasa fahazarandratsy. Tsy mahay miaraka aman'olona intsony, mitondra ratsy amin'ny vatana, mitondra ratsy ny fiamnam-panahy. Ny fanarenana izany dia ny fanolorana ny fianana amin' Andriamanitra. Jesoa Kristy dia manala amin'ny fanandevozana hahatonga antsika ho olona afaka. Ny "transformation" dia asan' Andriamanitra dia mila mitondra izany eo amin'ny Jesoa Kristy isika. Raha tiana iala amin'io fahazarandratsy io ny olona dia tsy "moralisation" no atao fa "évangélisation" izay mitondra "transformation" satria mitondra ny fitiavan'i Kristy.



Ataovy ary izay hifandraisana amin'i Jesoa Kristy mba hahafahanao mitondra ny hafa hifandray amin' Andriamanitra. Mahaiza miteny mamys amin'ny olona. Rehefa manaiky an'i Jesoa Kristy ianao dia Jesoa Kristy no mitondra ny fainanao

Ny alarobia 21 Jona dia Andriamatoa Ravaloson Mpitandrina no nitondra ny fampianarana ka ny lohahevitra tamin'izany dia "Ny toe-panahy tokony hananana ny tompon'andraikitra". Misy toromarika omena ao ka mila manaiky fandaminana, manaraka rafitra, manaiky hotarihina ary manaiky entina. Jesoa Kristy no modely, Jesoa Kristy no tahafinao, manaiky an'i Kristy ho filamatra eo amin'ny fainany. Ianao no modely manaiky ny fandaminana, ianao tompon'andraikitra voalo-hany, tsy mandeha amin'ny fahazarana. Manohera ny devoly, dinihina sy fantarina tsara ny fahavalo. Ny olona te ho tompon'andraikitra dia mila « balise » dia ny mandrakizay.

Alakamisy 22 Jona Andriamatoa Rasoloharimanana Aimé no nitondra ny fampianarana ka : "Ny zava-mahadomelina sy ny lalana" no lohahevitra nitanisany ireo karazana zavamahadomelina : toaka, sigara, paraky, rongony...

Nazava ny famelaberana teto fa kely ny lamandy amin'ny sazy amin'ny fandraisana zavamahadomelina ka mampirongatra ny fandraisana izany eto amintsika. Isika tokoa mantsy dia nanao sonia sy nanaiky ny fifanarahana iraisam-pirenena isika hiadiana amin'ny rongony tamin'ny taona 1988 fa nankatoavintsika tamin'ny 12 Martsa 1991. Manana lalana koa isika tamin'ny 1960 mikasika ny rongony sy ny djamala ary ny cannabis ary nisy ihany koa ny lalana vaovao tamin'ny 1997 niadiana amin'ny rongony mahery vaika.

Ny sazy voalazan'ny lalana 1997 dia mety hisy sazy anterivozona amin'ny fotoana voafetra fa arakaraka ny rongony (consommation personnelle) fa misy koa ny circonstances aggravantes izay mety hitombo hery sy faharetana kokoa ary mety ho lasa sazy mandram-pahafaty.

Manao ahoana ny fandrainana anjaran'ny Vokovoko Manga ?

Tokony handray andraikitra, hanana fahasahiana mba hanamorana ny fandrarana ny fidorhana ny zavamahadomelina. Raha misy olona nahatratraranra rongony dia tsy maintsy miditra am-ponja vonjimaika ka rehefa atao ny fitsarana dia sazy mihiatra no ampiharina azy.

- Tsara kokoa ny fisorohana sy fanentanana ny olona, mammianatra, miezaka manorina association hitondra teny amin'ny fanentanana amin'ny tsy hikasihana ny zavamahadomelina. Adidy ho an'ny sampana Vokovoko Manga ny mba hivoaka kely hanao ny fanentanana, kanefa tsy izy ireo ihany no tokony hanao izany fa ny sampana rehetra.

Ny sigara indray dia tokony hisy fomba fampiasana azy, hanaraka fepetra. Misy lalana iraisam-pirenena tamin'ny 3 oktobra 2013 ary lasa arrété ministriel milaza fa tsy azo hifohana sigara eny amin'ny toerana anatiny sy mihidy. Misy ny fitsipika mikasika ny fandrarana ny fifohana sigara eny amin'ny toerana voaaro, ny fanaovana dokambarotra "publicité", ny fampivarotana sy fivarotana sigara ny zaza latsaky ny 18 taona.

Ny antony tsy azo ifohana sigara eny amin'ny toerana avorana dia satria ny setroka dia tena ratsy, mitondra aretina mahery vaika ho an'ny olona tsy mifoka sigara. Ireo toerana voaaro dia ny fiangonana, ny sekoly, ny fitate-ram-bahoaka, ary ny toerana ivori-ram-bahoaka.

Zontsika no miteny amin'ny olona fa ny tenany dia Tempolin' Andriamanitra ka tsy tokony hosimbaina. Tokony asiana soratra famanterana fa tsy azo hifohana sigara ny fiangonana, ny sekoly, ny biraosns...

Ny toaka indray dia tena mampiditra hetra ho an'ny fanjakana. Ny lalana tamin'ny 1961 no mbola hampiharina ka 5 000 ar ny lamandy ho an'izay mamo eny an-dalambe ary ampidirina violon, toy izany koa ny mivaratra toaka ho an'ny zaza tsy ampy taona. Ny ankizy latsaky ny 21 taona dia tsy mahazo miditra eny amin'ny bar.

Ny Ray aman-dreny mamo lava dia mety hanohintohina ny fainana na fahasalamana. Miditra an-tsehatra ny fitsarana manoloana izany ka mahatonga ny zaza alefa any amin'ny centre d'accueil na famille d'accueil ireo zanany.

Ny Vokovoko Manga dia afaka mampahafantatra ny fahansants'ny olona izay mandray zavamahadomelina, afaka mandeha irery na miaraka. Ny Tenin' Andriamanitra no hifotofana. I Koritiana 3 : 16 "Tsy fanta-trareo va fa tempolin' Andriamanitra ianareo, ary ny Fahnin' Andriamanitra mitoetra ao anatinareo ?"

Mila fanentanana ka amin'izany dia misy ny paikady atao, ohatra ny tanora samy tanora no misfampiresaka.

Ny toerana voaaro amin'ny toaka dia 150m no elanelana amin'ny fiangonana sy ny bar, ary ny sekoly sy bar.

Zoma 23 jona, ny Dr Randriamahazosoa Olivier no nanao ny fampianarana, ka ny lohahevitra tamin'izany : "Ny zavamahadomelina sy ny vokadratsiny ary ny fisorohana azy"

Ny zavamahadomelina dia manerana izao tontolo izao. Tsy izay neverina hoe "mafia" no novoy ny zavamahadomelina fa ireo impanjanan-tany.

Eto Madagaskara dia mihanantra ireo mpandray zavamahadolelina, ary manomboka any amin'ny ankizy 12 taona izany. Ahitana rongony toy ny cannabis, katy izay fianakavian'ny vary eto amintsika, any amin'ny faritra avaratra sy atsimo, ary ampiasain'ny olona amin'ny zavatra maro samihafa. Malaza ny rôrô fa tsy rongony fa karazana zavamahadomelina hafa izay no mahatonga azy atsindrona. Ny cocaïne koa dia tsy rongony fa zavamahadomelina hafa.

Ny zavamahadomelina dia singa voajanahary na simika ampidirina amin'ny tenan'olombelona ary misy fiantraikany ao amin'ny atidoha, ny fijery, ny fahitana.

Azo sokajiana toy izao ny zavamahadomelina :

- 1- zavamahadomelina malefaka toy ny kafe, paraky, alikaola.

- zavamahadomelina mahery vaika, ka eo noho eo dia misy fikorontanana eo amin'ny vatany

- zavamahadomelina "illécite" na voarara

- misy ny zavamahadomelina tsy voarara, toy ny kafe

2- Misy fahatsapana zavatra iray tsy misy, tactile na visuel hallucinogène, mety koa perturbateur

3- Dépresseur (malahelo lava....)

4- Stimulant (haingana ny fiasany)

Inona no vokany ?

Mety ho kofona raha vao manandrana azy amin'ny voalo-hany, fa rehefa azy eo dia lasa fahazarana ary lasa fiankinandoha ara-batana sy ara-tsaina. Ara-batana dia tsy manankery, manao asa kitoatoa... Ara-tsaina indray dia tsy fahaizana mifandray amin'ny hafa, tsy mahatsiaro fifaliana, baikoan'ny zavamahadomelina.

Misy fiantraikany eo amin'ny fianakavianana ny fandraisana zavamahadomelina ka mahatonga fahaverezam-pananama, herisetra ara-nofo, araba, mikorontan-dava ny fainam-pianakaviana.

Eo amin'ny firenena dia tsapa ny fihenan'ny olona manao asa ara-dalana, mihena ny vokatra, mitombo ny fandaniam-bola eo amin'ny ara-pahasalamana satria andaniam-bola be ny fitsaboa. Manjaka ny tsy fandriampahalemana.

Mafy be ny asa fanarenana ho an'reny olona nandray zavamahadomelina ireny ary mitaky asam-panafahana hanaiky an'i Jesoa Kristy ho Tompo sy Mpamony.

Raha fintinina dia tsara hantrany ny manafatra ny tanora mba tsy hanandrakandrana fa mampidi-doza ny fandraisana ireo karazana zavamahadomelina ireo. Tadidio hantrany fa tempolin' Andriamanitra ny te-nantsika ka mila hajaina sy tandrovana amin'ny zavatra ratsy rehetra.

Malala Soa

Vaksiny : antoky ny fahasalamana ho an'ny reny sy ny zaza

Inona no atao hoe vaksiny?

Ny vaksiny dia fanafody fiarovana hatao amin'ny olona iray salama tsara. Izany dia amin'ny alalan'ny fanaovana tsindrona hampidirana tsimokaretina iray efa nohalefahana sy tsy mampidi-doza. Ilay vatana nahazo vaksiny dia manamboatra fiarovana natoraly (anticorps), ka aorian'izay aretina, raha santria tratr'an'ilay aretina ilay olona, dia afaka miaro-tena tsara amin'izany aretina izany, ary tsy ho lasa tranga hisy fahasaratana izany.

Ny vaksiny "anti-variolique" no nahafoana nay nendra (variole) eran-tany. Ny vaksiny no nampihena 99% ny aretina lefakozatra (poliomélyte) na dia misy tranga vaovao ihany aza amin'izao fotoana izao. Ny vaksiny no nampihena ho 73% ny kitroto (rougeole) izay aretina mpahazo ny zaza.

Iza avy ary no afaka manao vaksiny?

Ny olona rehetra dia afaka manao vaksiny ankoatra ireo izay manana aretina mitaiza efa sarotra ka lasa marefo izy

Inona avy ny aretina azo sorohina amin'ny alalan'ny vaksiny?

Marobe izy ireo, fa santionany ihany ireto: ny homamiadan'ny vozon'ny tranonjaza (cancer du col utérin), ny cholera, ny difteria, ny covid 19, ny ebola, ny encéphalite na aretina ao amin'ny loha, ny kitroto, ny donika, ny kohadavareny, ny "pneumonie" na areti-tratra, ny lefakozatra, ny aromotana, karana aretempivalala atao hoe "infection à rotavirus", ny tefoedra, ny tetanos, ny nendramboalavo, ny ngorongosy sns. Marihana fa ny ankamarohan'ireo vaksiny ireo dia hita eny amin'ny tombimpahasalana; misy koa anef aita eny amin'ny Institut Pasteur de Madagascar.

Inona kosa ireo indrokelin'ny vaksiny?

Mety hisy ny fiakaran'ny hafanana kely, mety hisy fanaintainana kely sa somary menamena koa eo amin'ny faritra notsondronia. Ireo rehetra ireo anef aita eny amin'ny azy andro vitsy aty aorianana.

Ireto kosa ary ny tetiandro amin'ny fanaovana ny vaksiny

• Ho an'ny zaza

- Vao teraka

o dia manao ny BCG miao amin'ny tiberkilaozy raha vao teraka ka hatramin'ny 11 volana

o manao ny vaksin'ny lefakozatra (Polio 0) izay miao hatramin'ny 14 andro

- Afaka iray volana sy tapany na 6 herinandro

* Manao DTC-HepB-Hib1 izay miao amin'ny difteria, tetanos, kohadavareny, aretinatibe ary ny tsidongadronono

* Manao ny PCV 101 izay miao amin'ny "pneumonie" na karazana areti-tratra

* Atao ao am-bava kosa ny vaksiny miao amin'ny karazana aretempivalanana (rotavirus) sy ny vaksiny Polio1 miady amin'ny lefakozatra

- Vaksiny atao rehefa feno 2 volana sy tapany ny zaza na feno 10 herinandro

* DTC- HepB- Hib2

* PCV102

* Polio2

* Hemophilus influenzae B (miao amina aretin'ny taovampisefoana)

- Vaksiny atao rehefa feno 3 volana sy tapany ny zaza na feno 14 herinandro

* DTC- HepB- Hib3

* PCV103

* Polio3

* Vaccin poliomélytique inactivé (VPI 1) atao am-bava

- Vaksiny atao rehefa feno 9 volana ny zaza

* Vaccin anti-variolique 1 (VAR 1) fanefitry ny kitroto

* VPI 2

- Vaksiny atao rehefa feno 13 volana ka hatramin'ny 15 volana ny zaza

* VAR 2 izany hoe ny "dose" faharoa amin'ny vaksiny miao amin'ny kitroto

Vita ireo rehetra ireo dia mahazo ny diplaoma voalohany ara-panjakanana amin'ny fainany ny zaza

• Vaksiny ho an'ny vehivavy bevohoka kosa : vaksiny fanefitry ny tetanos sy difteria (TD) izay misy andiany dimy:

- Vao misofo

Fitokanana ny FJKM

Ny trano fiangonana no efa vita asa fitoriana filazantsara dia

Ny trano fiangonana no efa vita fa ny fanohizana ny asa fitoriana filazantsara kosa dia mitohy hatrany, izay mizara lanfy telo ny fanarahana ny asa masina tahak'izao", hoy ny Filohan'ny FJKM Dr Irako Andriamahazosoa Ammi, ao ny ivotoerana fanofanana misionera izay hirahina mankaty na amin'ny alalan'ny fifandraisandavitra, ny fiangonana nanangana azy dia ny FJKM Ankadifotsy no mamangy aty Berenty sy manohy ny asa fitoriana, ary ny SP Atsimo Fihavaozana no mandray an-tanana feno manendry mpitandrina na katekista "délégué".

« Misaotra an'Andriamanitra ary mankasitraka tanteraka an'ny FJKM Ankadifotsy na-



Ny Filohan'ny FJKM Dr Irako Andriamahazosoa Ammi, niaraka tamin'ireo Prezida Synodaly sy Mpitandrina nitarika ny fotoana

naiky izao asa Masina izao, na lavitra sy saroatra aza ny asa ary misaotra ny SP Atsimo Fihavaozana ihany koa», hoy hatrany izy tamin'ny fitokanana ny fian-

gonana FJKM Berenty ny 31 May lasa teo.

Antony lehibe, hoy ny filohan'ny FJKM, no nahatonga hoe aty atsimo no nanaovana ny fian-

gonana tahaka izao. Raha araka ny fizarantany nataon'ny misionera, dia anjaran'ny havana Loterana ity faritra atsimo ity. Ary tena ao anatin'ny vina « vontosy filazantsara Madagasikara mba hanova ny tantara » satria vitsy ny FJKM aty atsimo, ka izao asa natao izao dia fijoroan'ny FJKM vavolombelona ho fanitarana ny FJKM.

Araka ny vina 4 taona voalohany, araka ny tatitra tamin'ny synoda lehibe, dia kaominina 463 no efa vita trano sy efa misy vondron'olona miara-mivavaka. Mbola betsaka anefy ny Kaominina tsy misy FJKM aty, ohatra akaiky amin'izany izao ny kao-minina manodidina an'i Berenty dia 2 amin'ny 9 ihany no misy FJKM.

Hafatra avy amin'ny filohan'ny FJKM ho an'ny Kristianina tany Berenty



Ireto mpino ao amin'ny FJKM Berenty, miaraka amin'ireo filoham-piangonana

Tenin'Andriamanitra (Toriteny-Tenin'Andriamanitra). Maro no ahafahanao manovo izany, ka ataovy izay ivelomanao amin'ny Tenin'Andriamanitra isan'andro: miainao radio, mamakia ny baiboly isan'andro, raha tsy mahay mamaky teny ianaio dia ilazao ireo namanao na havanao mba hamaky baiboly ho anao. Ny Tenin'Andriamanitra no ahafaha-

nao manolo-tena hivavaka sy ha-naiky fa i Jesoa no Tomponao. Tsy misy finoana ivenan'ny Tenin'Andriamanitra, ka kolikoloy ny finoana amin'ny Tenin'Andriamanitra.

Hovonjena ianao sy ny ankohonanao : Ny fanaranah-dia an'i Jesoa irety ihany no afaka hahavony anao sy ny ankohonanao. Olona voavonjy dia olona

tonga zanak'Andriamanitra, re-hefa mino ianao dia tonga zanak'Andriamanitra Jaona 1:11 « izay rehetra nandray Azy (Jesoa) nomeny hery ho tonga zanak'Andriamanitra, dia izay mino ny anarany ». Manana antoka fa zanak'Andriamanitra ianao, ary manana ny fiainan'Andriamanitra dia ilay fiainana mandrakizay. Jaona 3:16 « Fa toy izao no nitiavan'Andriamanitra izao totolto izao, nomeny ny Zanalahy Tokana, mba tsy ho very izay rehetra mino Azy, fa hanana fiainanana mandrakizay ». Tsy miandry ny fahafatesana ny fanananao ny fiainana mandrakizay, fa raha marina amin'ny finoana ianao, dia manana ny fiainana mandrakizay ianao dieny izao ety antany izao. Izany no atao hoe olona « voavonjy », olona tonga zanak'Andriamanitra manana ny fiainan'Andriamanitra. Ny andavanandrom-piaiananao mihitsy no tonga fiainan'Andriamanitra.

Ny fitokanana ny fiangonana

Endrinhy roa no nanokanana ny trano fiangonana. Ny voalohany dia ny fotoam-pivavahana fohy izay natao teo an-tokontanimpiangonana niarahana tamin'ny : Prezida Synodaly avy ao Toliara Fihavaozana SP 33 Ranadimby Fanantenana, Prezida Synodaly Iarivo Avaradrano Rabetokotany

Andriamialy Miarilaza, filohan'ny AFF foibe Rakotoarimana-Nirina mpitandrina, ny mpitandrina Rapetiarison Vahatriniaina avy ao amin'ny FJKM Ankazoabo, ny katekista délégué any Berenty Andrianiraona Joseph, ny mpitandrina Ravaloson avy eto Ankadifotsy, ny filohan'ny

FJKM Dr Irako Andriamahazosoa Ammi. Rehefa vita ny litorija fohy teo ivelany dia izay vao niroso tao am-piangonana ireo mpitandrina sy ny vahoakan'Andriamanitra ary ny vahiny nasaina.

Ny faharoa kosa, dia tao-rian'ny hafatra nentin'ny Pr Ammi Irako Andriamahazosoa

dia nisy fanokafana ny takelabato ho mari-pahatsiarovana ny fananganana ny fiangonana, izay nisy ny Tenin'Andriamanitra manao hoe « Minoa an'i Jesoa Tompo dia ho vonjena ianao sy ny ankohonanao ». Asa 16:31, soratra Masina izay vao avy nitoriana tamin'ireo Kristianina.



Diakona avy eto amin'ny FJKM Ankadifotsy, nitondra ireo fitaovana sy fanaka Masina hotokanana



Biraom-piangonana avy eto amin'ny FJKM Ankadifotsy, niaraka tamin'ireo Raiamandreny Mpitandrina, nanokatra ilay marim-pahatsiarovana ny fananganana ny FJKM Berenty

TSIAHY BERENTY

Ny fivorian'ny AFF SPIA tao amin'ny Katedraly Analakely ny volana febroy 2018 no nahafantara ireto fiangonana maromaro any Atsimo ho atsangana. Tsy nisafidy fa izay fiangonana tsy nisy nanao no nataon'ny FJKM Ankadifotsy, ka ny tao Berenty no nataon'Ankadifotsy. Tsy nisy nahafantara izany Berenty izany, eny fa na dia ny foibe aza tsy nahalala. Ny FJKM Ankazoabo no nifankaiky amin'i Berenty, ka natao izay nifandraisana tamin'ny Mpitandrina tany an-toerana, ny Mpitandrina Rapetiarison Vahatriniaina. Ny volana Mey 2018 no nandefa delegasiona voalohany tany ny FJKM Ankadifotsy, 6 mianaka no nandeha tany Berenty izay nihaoна tamin'ny adjoint au maire. Ny tany teny atsimon'ny tanana no natolotry ny adjoint au maire, fa teo no azo hanorenana fiangonana. Ny volana aogositra 2018 no nanomboka ny tafika masina, izay misa 18 ireo mpianfrika nankany. Nahavory olona maro ary nisy ny famipofanana ho an'ny tanora tamin'izany. Ny katekista délégué Andrianiraona Joseph no nitarika ny fiangonana tao Berenty ka nandefasana vola isam-bolana izy ho atao saran-dalana. Nitohy foana ny asa, saingy noho ny valan'oretina Covid-19, dia niato tanteraka ny asa. Taty amin'hy voalohany tany 2023 dia nohetsehina indray ny asa sy ny famitana ny fiangonana any Berenty ka dia izao vita soamantsara izao.



Ny Mpitandrina Ankazoabo, Rapetiarison Vahatriniaina

FANOLORANA FANOMEZANA

Na tsy afaka nandeha namonjy ny fitokanana avokoa aza ny mpianakavin'ny finoana teo Ankadifotsy fa solotena ihany no nandeha tany, dia nandefa fanomezana maro samihafa ireo SSAFF :

Ny AFF dia nanolotra : tsoka, micro, baiboly sy fihiranay ary boky ho an'ny ankizy ; Norkasy dia nanolotra lamba fikrotora, dabilio, baiboly sy fihiranay, lambahoany ; ny Sekoly alahady dia nanolotra akanjo ho an'ny sahirana, bonbons sy biscuits ; FLD tsy amperin'asa vola 100 000 Ar. ; Saha Edena nanome voninkazo natao haingom-piangonana.

Ankoatra ireo dia maro ireo fianakaviana teo amin'ny Fitandremena Ankadifotsy no nanohana ny asa tamin'ireo ezaka maro samihafa natao, toy ny dabilio, Tenue ho an'ny STK Berenty ary ireo asa maro samihafa tany momba ny taotrano.

Nisy koa ny fanolorana gisa ho an'i Prezida FJKM sy Prezida synodaly Spia 19 ary valopy kosa ho an'ny filoha AFF foibe ny mpitandrina Ravaloson izay avy amin'ny FJKM Berenty.



Fanomezana avy amin'ny FJKM Ankadifotsy, niatolot'reo solotenan'ny Dorkasy

FANDAHARAM-POTOANA SAMIHAVA

Nitarika ny fotoana nandritra ny fitokanana dia ny Prezida Synodaly avy ao Toliara Fihavaozana SP 33 Ranadimby Fanantenana, ny 5 minitra ho an'ny sekoly alahady dia ny mpitandrina Rapetiarison Vahatriniaina, nanao ny vakiteny dia Holy avy ao MTA Ankadifotsy, ary nitondra ny Tenin'Andriamanitra ny Dr Irako Andriamahazosoa Ammi. Nivavaka taorian'ny toriteny dia ny filoha AFF foibe Rakotoarimana Nirina.

Nisy ny fandrasana fitenenana nataon'ny Prezida Synodaly an'ny SPIA 19 dia Rabetokotany Andriamialy Miarilaza mpitandrina, nanambara moa izy fa « famonjena ho ahy sy anao no nanganana ny FJKM Berenty, mivavaha mandrakariva rehefa mivavaka ny olona dia milamina isika, tena mazotoa mivavaka ekeo ny fiaraha-miasa aminareo ». Taorain'izay dia ny solotenan avy amin'ny FFKM nilaza fa « Mbola misy kaominina 9 ao Ankazoabo izay tsy mbola misy FJKM ka mbola manantena antsika ho amin'ny fiaraha-miasa ». Ny adjoint au maire, ny mpitandrina Ravaloson sy ny filohan'ny komity nanao ny asa tany Berenty, ary ny FJKM no nanao ny tsodrano.

Ny Talata tolakandro dia nisy ny famonoana omby teo amin'ny Epp Berenty, izay natao sakafo tamin'ny fitokanana ny fiangonana.



Prezida Synodaly avy ao Toliara Fihavaozana SP 33 Ranadimby Fanantenana

Sampana Fifohazana Tokantrano sahirana 120 nomena harona misy kojakoja

Ho fankalazana ny fetim-pirenena dia nahatsiaro ireo sahirana ny sampana Fifohazana eto amin'ny FJKM Ankadifotsy ka nanolotra kojakoja isan-karazany ho azy ireo.

Tokantrano sahirana 120 eto amin'ny fitandremana no notolorana "harona misy kojakoja ilaina amin'ny fiafiana andavanandro", ahitana vary, menaka, vovo-tsira, vovo-tsavony. Tafiditra ao anatin'ny tetikandron'ny Sampana Fifohazana ny hetsika tahaka izao re-hefa manakaiky ny fetim-pirenena; iarohana hatrany amin'ny Vaomieran'ny Asa So-sialy ny fizara.

Fanompoam-pivavahana no nanombohana ny fotoana, izay notarihan'ny filohan'ny Sampana, Nenitoa Rasoanaivo Anna. Ny filoha mpanampy Andriana-risata Volatiana kosa no nitondra



*Tsy nanadino
ireo sahirana ny
Safif.*

ny hafatra, nalaina tao amin'ny Filazantsara araka an'i Marka 10:46-52. Nasongadiny ny tokony hananana toe-po toa an'i

Bartimeo dia ny fanantenana handray famonjena, ny ananana faharetana, ny ananana fahatokiana, ary indrindra ny finoana fa i Jesoa Kristy no Tompo sy Mpamony. Nofintininy tammin'ny andininy faha-52a "Mandehana hianao, ny finoana no efa namonjy anao."

Narahana asa sy fampahe-rezana moa ny fotoana. Ary no-faranana tamin'ny fizara ireo harona ireo.

Eto am-pamaranana, ny filoha, ny birao, ny sampana dia misaotra ireo rehetra nanome tanana tamin'ny fanatanteraha izao asa izao.

Harilalaina

Fivoriam-be voalohany Safif SPIA

Notanterahina teto amin'ny FJKM Ankadifotsy ny fivoriambe voalohan'ny Sampana Fifohazana Synodam-paritany Iarivo Avaradrano. Izao no natao dia ho fampitam-baovao sy ny raharahan'ny sampana eto anivon'ny Synodam-paritany. Fanompoam-pivavahana no nanombohana ny fotoana. Notarihan-dRamatoo Kalo Bernadette, Mpitandrina. Randri-narisoa Salamariveloo Daniel, Mpitandrina, kosa no nitondra ny hafatra avy amin'ny i Lioka 7: 1-10. Nasongadiny tammin'izany fa ny Fifohazana manaiky ho fantsom-panafahana mahomby dia:

1- be fitiavana: ny fitiavana no anton'ny fahombiazana. Raiso ho tahaka ny zanatsika ireny marary ireny. Tokony ho tsapa fa tsy mba manavakavaka isika.

2- be fanetren-tena: na toy



Nandray ny fivoriam-ben'ny Safif isika teto Ankadifotsy.

inona "grady" anananao, izay maha-anao anao, dia aoka Andriamanitra no asandratra. Aoka hahatsapa mandrakariva fa tsy mendrika isika. Izay manetry tena no asandratra, fa izay nanandran-tena no haetry. Tsy maintsy mihosona, miondraka, mandombalika mba anafahana izay tena mifatotra.

3- be finoana, matanja-pi-

noana. Jesoa dia manana fahefana amin'ny zavatra rehetra, teto dia nino ilay miaramila fa mbola mahery noho ilay mamatotra ny Tenin'i Jesoa. Koa aoka handeha amin'ny finoana isika fa tsy amin'ny fahitana.

Farany, eo anatrehan' ireo mpifatotra maro ankehitriny, dia makà ny toeran'ilay miaramila, be fitiavana, be fanetren-

tena, be finoana. Natao ho an'ny olona rehetra ny famonjena. Mandehana ka manaova toa izany.

Nofaranana tamin'ny asa sy fampaherezana ny fivoriambe.

Ny raharaha ato anatin'y kosa, dia hamangy ireo vehivavy voafonja eny Antanimora ny sampana ny zoma 21 Jolay 2023. Misy ny fanampiana omena azy ireo, koa izay te hanampy ny sampana amin'ny fanatanteraha izany dia aoka hanatona ny filoha Nenitoa Rasoanaivo Anna.

Ny sabotsy 22 Jolay 2023 kosa no hanatanteraha ny "Rodorodom-Pirahalahiana", fanompoam-pivavahana iraisan'ny Synodam-paritany efatra, eny amin'ny Toeram-Panomanana Mpitandrina Ivato.

Harilalaina

Faha 55 taonan'ny FJKM Hisy ny fanompoam-pivavahana isa-pitandremana

Ho fanamarihana ny faha-55 taonan'ny Fianganan'i Jesoa Kristy eto Madagasikara, izay tsarovana ny 18 Aogositra 2023, na ny alahady 20 Aogositra ho an'ny fitandremana sy synodam-paritany tsy mahavita ny 18 Aogositra dia samy hanomana fanompoam-pivavahana ny

isa-pitandremana ho fisiorana an'Andriamanitra. Hiara-hientana koa ny vahoaka' Andriamanitra rehetra ao anatin'izany banana ny faharin'ny fahafohizana satria ny ho tsangambato dia ny fantsarana ny radio Fahazavana (centrale) sy ny fananganana ny Televiziona

Fahazavana. Ny alahady 12 Novambra 2023 no hisy fanompoam-pivavahana ho fanolorana izany tsangambato izany araka ny fampitam-baovao avy amin'ny Vaomieran'ny Serasera eo anivon'ny komity mpanomana Randriamanantena Solo Jean Jacques Séraphin Jhons, Mpitandrina.

Entanina araka izany hoy izy ny isa-pitandremana, ny isaky ny synodam-paritany, ny sampana sampan'asa ary asa sy fikambanana rehetra samy hihevitra izay hoentina mahatontosa izany asa lehibe atrehan'ny fianganana izany.

FifiAV

Ny vavaka Aoka ho mazava tsara ny vavaka ataontsika

Resy lahatra ity lehilahy iray fa ny mpivavaka dia tena tsara fanahy, ka tsy misy tokony atahorana azy mihitsy. In-drav andro, raha nandehandeha tany anaty ala misy bibidia izy... sendra liona (biby masiaka)... Tsy afa-nandositra intsony izy... Ny hany nataony dia mba nivavaka hoe: « Andriamanitra ô! Ataovy mpivavaka io liona io! » Naha-gaga tokoa fa nijanona teo anatrehany ilay liona, ka nandohalika nivavaka nanao hoe: taoko aminao?»(Lio 18/35- 41)



Aoka ho mazava tsara ny vavaka ataontsika!

Fa hoy ny Soratra Masina: "Dia niantso mafy ralehilahy ka nanao hoe: Ry Jesoa zanan'i Davida ô, mamindrà fo amiko. Ary Jesoa nijanona, dia nasainy ho entina eo Aminy ralehilahy; ary rehefa mby akaiky izy dia nanontany azy Jesoa ka nanao hoe; "Inona moa no tianao ha-

**Rabeantonina James,
Mpitandrina.**

Arahabaïna

"Ary Jehovah Andriamanitra nanao hoe : tsy tsara raha irevy ralehilahy, dia hanaovako vady sahaza ho azy izy." Gen.2. 18

- RAMBININTSOA Mamy Mah'Ampoka sy RAJESISON Nantenaina Valérie
- RANADOARILANTO Njiva sy RAJAONARIVELO Tahiana Nathalie
- ANDRIAMBELONA Haritiana Tantely sy RAHARINIRINA Laurencia Antsaniony Stéphanie.
- RAZAFINARIVO Hans Éric sy RAVELONJANAHARY Herilova
- RAVELOJAONA Tsimokinaina Doda Najasoa sy RANDRIANALIZAKA Nirina Vanessa

BATISA

« ...dia nisokatra ny lanitra, ary ny Fanahy Masina nidina teo amboniny... » Lio. 3. 22

- RAMBOATIANA Harisetra Arelah
- RANAIVOSON Mirantsoa Liam Matia
- RAMBININTSOA Ary Mahatsangy
- RAZAFINDRAZAKA Harena Njaika
- RABARINIRINA Santatrinivo Kaloina K.
- ANDRIAMAHEFANIRINA Léoncia
- RANDRIANTSEHENNO Mael Tiantsoa
- RANDRIAMALALA Aina Mahatozo

Fiononana

« Fa Izaho mahalala ny hevitra iheverako anareo, hoy Jehovah, dia hevitra hahatonga fiadanana, ftsy loza, mba hanome anareo fanantenana ny amin'ny farany... » Jer. 29. 11

- RAKOTONIRINA Marie Joachim
- RAZANOELINA Perline
- RAKOTOARISON Nirina Viviane Raymonde

Fofikri Ilafy

Sakafon-jobily faha-125 taonan'ny Sampana Tanora Kristianina

Nitohy ny 18 Jona 2023 teo tamin'ny sakafon-jobily teny amin'ny Fofikri Ilafy ny fankalazana an'Andriamanitra noho ny faha-125 taona niorenan'ny STK teto amin'ny fitandremana misy antsika.

Ora iray nialoha ny fotoana nomena sy ny fanombohana, dia nigmadao tsikelikely teny an-toerana ireo mpiara-manompo eto amin'ny fianganana narahin'ireo mpikambana trainainy sy vao-vao ary ireo tapaka sy namana.

Natomboka tammin'ny fanompoam-pivavahana sy fiderana an'Andriamanitra notarihan'ny Mpitandrina Ravaloson ny fotoana, narahina teny fohy nentin'ny filohan'ny komitin'ny fankalazana, Andrianarison Au-rélien.

Nahafinaritra ny fankalazana satria dia hita nifarimbona sy nifanampy ireo rantsana telo mandrafitra ny STK notro-nin'ny komitin'ny fankalazana sy ny komitin'ny Farimbona. Hita niavaka tao anatin'izany ny haingon'ny toerana nataon'ny STK Hay Kanto sy ny 3F, anaran'ireo lapan'ny Rovan'Antananarivo sy anaram-borona eto Madagasikara no napetrak'izy ireo teo amin'ireo lapa kely vita rafitra tsara isaky ny fetin'ny ray.

Tsy latsan-danja anefa ny fanantenana nentin'ny Mpihiran'ny Farimbona nanafanana ny lanonana; tammin'izany indrindra no nankalanana ny fetin'ny ray.

Ankoatra izay, dia nisy ny « tirage de plaquettes » tamin'ny alalan'ny boky mirakitra ny tantaran'ny STK izay nahazoana fanoomezana maro, ka voalohany tammin'izany ny « TV écran plat ».

Eo am-panomanana ny famaranana ny fankalazana ity jobily faha 125-taona ity, ny komity sy ny sampana dia manentana hatrany ny fanohanan'ny mpianakavin'ny finoana ho amin'ny tsangambato hanatsarana ny fanamasam-peo « sonorisation » ho an'ny fianganana.

Rado Rakotomalala



*Fanapahana
mofomamy
niarahana tammin'ny
mpitandrina.*

Fiombonana handroso, mirona amin'ny fahitsiana

Fraisana lalana hanorenana fototra

"Ary tsy haharitra ny tanàna rehetra, na ny trano, izay miady an-trano" - Matio 12:25b.

Ny fanatonana ho amin'ny fifidianana dia mampitaintaina, fa tsy mbola fantatra izay hirot-saka hofidiana, ary tsy dia hita ny faharesen-dahatra ny handeha hifidy, amin'izay andro ho voatondro hifidianana.

Misy singa telo mahamasa-nahandro tsy afa-misaraka : ny olona hofidiana, ny olona mifidy ary ny enti-manana ho fanantanerahana ny fifidiana. Ny tsy mahafeno ny iray amin'ireo toko telo ireo dia mampitsingevana ny saina amampanahy, ary mampitongilana ny vilanin'ny fikarakarana, ka mety hitondra ho amin'ny fanararaotana avy amin'ny olona hofidiana.

Miray lalana avokoa ireo toko telo ireo, vao hisy ny finoana fa milamina sy mahitsy ny fifidianana, manomboka amin'ny fanomanana, sy ny fizotran'ny fifidianana amin'ny androny, ary hatramin'ny fivoahan'ny vokatra.

Toa tsy avelan'ny fitiavana tsy hihetsika ny FFKM izay tarihan'ny FJKM amin'ny alalan'ny Filohany, Dr IRAKO ANDRIAMAHAZOSOA Ammi. Mihevitra sy mandinika ary mandroso tolo-kevitra hisian'ny fifanatonam-pifanakalo-zana ny kristianina, mba hisy dikany toko ilay hoe : "Sambatra ny mpampihavana, fa izy no hatao hoe zanak'Andriamanitra." - Matio 5:9. Ary ny ainga hanosehan'i Jesoa Kristy, mba hampanjakana ny famonjena dia mitaky ezaka;



"Janareo no fahazavan'izao tontolo izao, tsy azo afenina izay tanàna miorina eo an-tampon-tendrombohitra." - Matio 5:14.

Tsy fanaovana sorona mba haha-sarona hena-tra ny kristianina ny antso, sy ny fanasana ny mpisehatra ara-politika hipetraka manodidina ny latabatra iray. Fa i Jesoa efa ni-solo voina hisian'ny fandriampa-halemana. Tsy misy voaavaka tamin'ny fanomezan'i Jesoa ny ainy, ka nandalovany ny fahafatesana, mba ho tombony ho an'ny mino maka ohatra amin'ny fitsanganany tamin'ny fahafatesana ary niakarany any amin'ny Avo indindra, kanefa ambany fijery.

Fifanomezan-tanana manafoana fahantranra

Roso ka tsy miverin-dalana ary tsy miherika any aorianana, fa ny eo anoloana no banjinina, manary ny fifandirana sy ny ady mangatsiaka entanin'ny fitiavantena. Nilaozan'ny zavamisy ankehitriny ny fanovahana manta, ka nifano-sehana vohon-tanana.

Nilaina ny niampita ho amin'ny fivelarana, tsy hisian'ny fanjakana tokana ham-panginana ny hafa. Ny fanteheran'ny fanjakana tamin'ny lalana miankina amin'ny sokajim-pinoana iray dia nivaona. Natao fitaovana ny Fiagonana, ka nampiasaina tamin'ny fahazoana fahefana sy fifikirana amin'ny sezam-pitantanana firenena. Niadiana



ny fampifangaroana ny raharaha fitantanana fi-renena tamin'ny fiangonana. Mety haka toerana be loatra sy hevitra diso anefy "laïcité", izay mifototra amin'ny tsy fifangaroan'ny fitantanana firenena na fanjakana sy ny fiangonana. Amin'izao fotoana izao dia fifamenoana no hita, raha maka ohatra fa anisan'ny miasa be eo anivon'ny fiangonana ny teny hoe "laïka". Afaka miara-mientana ny voahosotra sy ny mpino tsota. Miezaka mandeha amin'ny fahafahana ny fitondrana ny fiangonana, nefy tsy mitsabaka any anatin'ny fanjakana, ary ny fanjakana, amin'ny endrinny rehetra, dia tsy maka toerana anatin'ny fainam-piagonana, ohatra ny tsy fametrahana sainam-pirenena anaty fiangonana. Izany endri-pifanajana izany anefy tsy mahasakana ny fandraisan'ny kristianina anjara amin'ny fainam-pirenena.

Raha hitanisa ohatra dia misy roa ny zanaky ny FJKM Ankadifotsy no mitana andraikitra ministra. Tsy afa-mitazana sy mialangalana ny

Kristianina, fa sady olom-pi-renera no manampahaizana ary koa manam-panahy, afaka mitondra fitantanana madio sy mazava tsy miton-gilana, mampiray ka tsy mampisaraka fa manafaka hisian'ny fifampandrosoana sy fifanafahana.

Ny fifampivavahana ho amin'ny fahendrena sy fane-trentena anie tsy hitsahatra.

Manoloana ady amin'ny fahoriana maro lafy ny Malagasy, ka hiantsoana hatrany : "Zanahary ô, tahio ny tanindrazanay !" - Hira FFPM 734. Jocelyn R.

11-14 Jolay Fihaonam- ben'ny katekista FJKM

Ny 11-14 Jolay 2023 ho avy izao no hanatantarahana ny fihaonam-ben'ny Katekista eto amin'ny sahan'ny FJKM. Toerana maro samihafa no handray izany arakaraka ny nandrindrana ireo synodamparitany isan-to-kony avy. Ho antsika ato anatin'ny Synodamparitany Iarivo Avaradrano manokana dia any Anka-zobe no seha-piofanana misy antsika.

Ao anatin'ny datin'ny 18 Aogositra izay hanamarian'ny FJKM ny faha-55 taonany kosa no hotanterahana ny fihaonam-ben'ny Diakona manerana ny sahan'ny FJKM. Samy hanana ny toerana hisy azy koa araka izany ny fanofana.

FifiAV

IORENAN' NY FAHAFAHANA NY TOMPO

Alahady 25 Jona, nalaina tao amin'ny Marka 9:14-29

Marobe ny zavatra mangeja ny fainantsika. Eo anatrehan'izany anefy, dia hafatra 3 lehibe no hozaraina amintsika raha te ho ahafahan'ny Tompo amin'izany isika (A,B,D):

A. Alao ny tsy finoana ao anatinao.

Ny finoana dia hery mahagaga omen'Andriamanitra antsika.

Ny fanekem-pinoantsika no ilain'Andriamanitra dia miasa izy ary tena vonona hanafaka antsika izy.

B. Banjino i Jesoa Kristy.

Jesoa ireny ihany no vahaolana eo amin'ny fainantsika.

Mety marary ny fitondran'Andriamanitra antisika, kaneza mila manaiky izany isika satria entin'Andriamanitra hanafahana sy hanamboarana antisika ireny.

D. Diniho ny fainam-bavakao.

Tsarovy fa vavaka sy fifadian-kanina no dingga entintsika hamahana ny olantsika.

Mila manokana fotoam-bavaka sy fifandrasana amin'Andriamanitra isika ary mibanjina sy miantoraka Aminy fa tena hanafaka antisika tokoia izy.

Alahady 18 Jona, nalaina tao amin'ny Lioka 7:1-10

Lohavevitra : antsoin'ny Tompo ho Raim-pianakaviana tonga ohatra isika.

Hafatra 3 lehibe no zaraina amintsika amin'izany:

1. Dada manam-pitiavana.

- Manana fitiavana tsy manavaka ary tsy mitanila.

- Dada olon'ny fiarahamonina ary manao asa soa.

- Dada Tia an'Andriamanitra sy ny asam-pa-nompoana.

2. Dada mahay manetri-tena.

Aza mihevitra ny tenanao ho ambony ka mirehareha.

Aza miantehitra amin'ny hery sy tanjaka, fa

Fintina toriteny VOLANA JONA

Alahady 25 Jona, nalaina tao amin'ny Asan'ny Apostoly 16:25-35.

Tian'Andriamanitra isika mba ho vahoaka mino sy mahatoky Azy.

Hafatra 3 lehibe no zaraina amintsika amin'izany hoe mpanompo MINO izany.

Ny maha "special" antisika dia isika mahay misaotra Azy na dia no anatin'ny sarotra aza.

Tsarovy anefy fa izy efa nanome toky antisika fa manana ny hevitra izay iheverana antisika dia hitondra fiadanana fa tsy loza raha mino isika.

2. I : Isehoan'ny hery tsitohan'Andriamanitra manafaka sy ny voninahiny ny mpanompon'Andriamanitra.

Teto dia horohorotany no fanehoan'Andriamanitra ny voninahiny sy ny herin.

Tsarovy koa fa ao anatin'ny sarotra sy man-

hirana amin'ny fainantsika no anehoan'An-

driamanitra ny voninahiny, ary tena

hain'Andriamanitra ny mamaha izany olantsika

izany raha matoky Azy isika.

3. N : Olona omena fahefana hampahery sy

hitondra famonjena ho an'ny hafa.

Ny antom-pisantsika dia mba hankahery ny

hafa satria nataon'Andriamanitra ho fitaovana

mba hisolotena Azy isika ka hampahiratra ny

mason'izao tontolo izao.

4. O : Olona mandray sy mizara fidaliana ho

an'ny hafa.

Teto dia ilay olona nikapoka sy namono no

lasa nivadika nikarakara.

Tadidio, ry Havana, fa ampomban'Andriama-

nitra antisika foana ny fifuliany ka ny fahoriania

ho tonga fiadanana amin'ny fomba tsy takatry ny saintsika raha mino sy matoky Azy isika.

Alahady 04 Jona, nalaina tao amin'ny Jaona 8:31-38

Tokony hahatsapa mandrakariva isika fa misy hery mangeja antisika.

Tsarovy anefy fa te hanafaka antisika amin'izany Andriamanitra.

Hafatra roa no hozaraina amintsika amin'izany :

1. Olona manao ahoana no atao hoe olona afaka?

- Olona afaka manompo an'Andriamanitra: Ny kendren'Andriamanitra dia ny ahafahantsika manompo Azy.

- Fanafahana antisika amin'ny fangejan'ny ota :

Tsy manana fahefahana isika raha mbola voa-

gejan'ny ota izay matamatotra ny fainantsika.

- Fanafahana amin'ny fahafatesana:

Mahatonga antisika hitady hery hafa ny fahafatesana satrnia matahotra izany isika.

2. Andriamanitra dia manome fahafahana antisika ahafahantsika miala amin'ireo hery mangeja antisika ireo:

- Faharetana amin'ny Tenin'Andriamanitra :

Ny Tenin'Andriamanitra no ahafahans'Andriamanitra misy fahafahana mafitrahana ny fainantsika.

- Ny fahafahana amin'ny fahafatesana:

Mahatonga antisika hitady hery hafa ny fahafatesana satrnia matahotra izany isika.

- Rehefa a anatintsika i Jesoa dia manana fa-

hefana isika handresy ny ota rehetra.

Jesoa ireny ihany izany no vahaolana ho anti-

sika ary ny fanekentsika Azy no hahatonga

antisika hahatsiara fa olona afaka isika.

Noho izany dia hiaino ary hivelomby ny teniny

fa manafaka antisika izy raha mino sy mandray

Azy isika.

Amen

Ny nitondra ny hafatra dia Pasteur RAVA-

LOSON FJKM Ankadifotsy.



TENY FAINANA
Antsoy Aho,
dia hovaliako ianao
ka hampisehoako
zavatra lehibe sy saro-
pantarina
izay tsy fantatrao.
Jeremia 33:3

> VOLINTSAINA

RESAKA AN-JORONY

Tena mahafinaritra ny maro, indrindra ny ankamaroan'ny krisitana ny manao resaka anjorony, miresaka ny fainan'ny hafa... Tsy ho fifampaherezana, tsy ho fifampivavahana na ho ffipandrosoana matetika fa fimonomononana, fifampitsikerana, fifampialonana no tena atao. Fitia te hiseo ho mahalala zavatra dia miresaka, izao hono...anefy tsy sahy sedra hifanatrika amin'ny resaka atao avy eo. Toa tsy mampandroso ilay resahina no sady tsy mampanankarena ny mpiresaka akory anefy ilay izy ary indrindra mampalahelo an'Andriamanitra. Mamaha olana sy mahatsara fihavanana kokoa ny mifampiresaka mivantana raha misy ny olana... Fifi AV

> PERIKOPA JOLAY

Hevero ny fididianan'ny Tompo

Alahady 2 Jolay
Isa 42:1-9, Mat. 12:14-21,
I Pet 2:1-10

Alahady 9 Jolay
Hag 2:20-23, Jao 15:11-16,
Asa 6:1-7

Alahady 16 Jolay
I Mpa 11:29-39,
Mar 13:14-20, I Kor 1:26-31

Alahady 23 Jolay
I TAn 28:1-7, Lio 6:12-16,
Asa 1:23-26

<

TONONKALO

JOBILY STK 125€

STK andro iray
STK mandrakizay
Mankala NY RAY

Taona 125 izay
Nodiavina tokoa
Noho ny fitarihany soa
Namohazana talenta
Seho sehatra sy dihy
Tononkalo, asa soratra
Hira fiderana indrindra koa
Nikoloina finoana
Nitaizana saina vatana fanahy
Nanabeazana tanora
Ho tonga olom-banona
Miavaka mamaritra
Mendrika ny Fiagonana

Mendrika ny ankohonana
Mendrika ny firenena
Raha akapoka?
Mendrika an'ILAY JESOA,
MPANJAKA AMBONY, RAY TSITOHA
Mampanantena Paradisa
Ho an'olo-maro tsy hita isa
Dia ireo izay mino AZY
Mandray ny fampianaranay
Sy mampiely manodidina
Ny VAOVAO MAHAFALY

Ny Hay Kanto kosa indray
Miandahy miambavy
Mikarakara lampihazo
Hamelomana toy ny tena izy
Ireo tantara tena nisy
Dia tantara mahalana
Mampisaina mampivoatra

Ny HERIN'ANDRIAMANITRA
Dia ILAY HERY TSY HAY TOHAINA
Mampandresy ireo rehetra
Izay mamestraka ny ainy
Am-pelatanan'ILAY MPANAVOTRA

Ny Mpihiran'ny Farimbona ?

Ao ireo Taninketsa dia ireo bitika sy kely
Manam-peo toy ireo Anjely

Ao koa ireo Mpihira Amperinasa
Dia ireo tanora erotrerony
Manahaka an-dry Asafa, Hemana sy Etana
Mpihira nikoizana tamin'ny andro fahagola
Nahazo hosotra manokana
Hidera an-kira an'ANDRIAMANITRA

Ireo zokiny etsy an-daniny na mangozohozo aza
Be sisika hanan-dram-peo ho an'i KRISTY JESOA
Mandrapikipin'ireo maso roa

Raha izay sy izay ry havana, ny STK 125€
Vonona hatrany history an'i JESOA KRISTY
Sy handrombaka ny satroboninahitry
Ny Fiainana
Tsy azo atao hodian-tsy hita
Ireto rafitra mijoro
Dia ny Mpiaindrina sy Fiagonana
Fa indrindra ny Farimbona
Tsy mikely soroka mitaiza
Manohana ombieniombieny ireo hetsika STK
Na ato anatin ny any ivelany

STK un jour
STK pour toujours

Gisèle RAOELIHARIZO
27 oktobra 2022

MAZOTOA HOMANA

Sablé

- **Zavatra ilaina :** lafarinina 1kg, siramamy 500g, dibera 500g, atody 4, levure chimique iray sotrokely ary ronono kelikely. Azo asiana hanitra araka izay tiana toy ny lavanila na cannelle na coco sy ny hafa.

- **Fomba fikarakarana :** Ataovy bain-marie ny dibera hitsonika. Ataovy ao anaty lovia jobo ny tame-nak'atody, ny siramamy, ny lafarinina, ny dibera natsonika sy ny levure ary ny ronono. Aza adino ny hanitra raha tianao asiana. Ko-seho ny paty ary ataovy boribory. Raha mbola miparasaka be, dia tam-pohy ronono kely. Ave-lao hipetra mandritra ny ora iray ao anaty vata fampangatsiahana ny paty vita teo. Avoahy ny paty, dia koseho indray, tapatapaho amin'ny endriny izay itiavana azy amin'ny alalan'ny « *emporte-pièce* ». Hafanao 180°C ny lafaoro, rehefa mafana dia ampidiro ao ny paty mandritra ny 10mn. Rehefa avoaka avy ao anaty lafaoro dia andraso hangatsiaka vao honanina. Tsara raha aroso miaraka amin'ny dite, na ronono mafana na « *chocolat au lait* » amin'izao andro mangatsiaka izao. Mazotoa homana indray àry !

R.Sidonie

Fianjaika

**Ny baoty**

Ny baoty ampiarahana amin'ny zipo na akanjo indray ireto atolotra antsika andriambavilanitra ireto amin'izao andro mangatsiaka izao!

R.Sidonie

Fikarakarana voninkazo “Saha Edena”

Ireo tompon'anjara amin'ny fikarakarana voninkazo volana Jolay 2023

- 1 juillet : groupe 23
- 8 juillet : groupe 24
- 15 juillet : groupe 01
- 22 juillet : groupe 02
- 29 juillet : groupe 03

Nanangona Malala Soa

Ny kaki

Ireo otrikaina sy singa hita ao amin'ny Kaki :
A – B – B9 – C – CALCIUM – FER – FIBRE – MANGANESE – PHOSPHORE – POTASSIUM ...

Ireo soa azo avy amin'ny fihinanana Kaki :

- Manatsara ny maso sy ny fahitana
- Manatsara ny fikorianan'ny râ
- Miaro amin'ny fahatapahan'ny lalandrà
- Mandrindra ny tahan'ny menaka ao anaty râ
- Tsara ho an'ny olona manana tosindrà ambony
- Miaro amin'ny karazana homamiadana sy ny poizina ao anaty
- Manampy amin'ny fahasalamman'ny hoditra sy miaro amin'ny kentrona
- Manampy amin'ny fahazotoana misakafo noho ny fibres betsaka ao aminy
- Mampitonby ny fivalanana



- Manampy amin'ny fiasan'ny tsinay
- Manampy amin'ny fandevonan-kanina
- Tsara ho an'ny fahasalamman'ny aty sy fo ary vavony
- Manamaina haingana sy manasitrana ny fery
- Miaro amin'ny aretina sy ny hatsiaka
- Miaro amin'ny havizanana
- Miady amin'ny diabeta
- Mampatanjaka sy mampitombo ny hery fiarovana
- Mampihena ny lanjan'ny vatana, ka tsara ho an'ny olona mampihena tena. Ny kaki dia voankazo maivana sy manankarena rano ary mitondra sira-mamy voajanahary, be otrikaina ary manome tanjaka ho an'ny vatana. Maro ireo endrika azo hikarakarana sy hihinanana azy. Manampy anao hiatrika ny hatsiaka amin'izao ririnina izao ny fihinanana kaki.

Fanja Raveloarijaona